

弦雪居遵生八牋卷之十六

古杭高濂深甫氏編次

燕閒清賞牋

下卷

瓶花三說

瓶花之宜

高子曰瓶花之宜有二用如堂中插花乃以銅之漢壺大古尊壘或官哥大瓶如弓耳壺直口廠瓶或龍泉著草大方瓶高架兩傍或置几上



與堂相宜折花須擇大枝或上茸下瘦或左高
右低右高左低或兩蟠臺接偃亞偏曲或挺露
一幹中出上簇下蕃鋪蓋瓶口令俯仰高下踈
密斜正各具意態得盡家寫生折枝之妙方有
天趣若直枝鑿頭花朵不入清供花取或一種
兩種薔薇時卽多種亦不爲俗冬時插梅必須
龍泉大瓶象窑廠瓶厚銅漢壺高三四尺已上
投以硫黃五六錢砍大枝梅花插供方快人意
近有饒窑白磁花尊高二三尺者有細花大瓶

俱可供聖上插花之具製亦不惡若書齋插花
瓶宜短小以官哥膽瓶紙槌瓶鵝頸瓶花觚高
低二種八卦方瓶茄袋瓶各製小瓶定窑花尊
花囊四耳小定壺細口匾肚壺青東磁小簪草
瓶方漢壺圓瓶古龍泉蒲槌瓶各窑壁瓶次則
古銅花觚銅觶小尊罍方壺素溫壺匾壺俱可
插花又如饒窑宣德年燒製花觚花尊蜜食罐
成窑嬌青蒜蒲小瓶膽瓶細花一枝瓶方漢壺
式者亦可文房充玩但小瓶插花折宜瘦巧不

宜繁雜宜一種多則二種須分高下合插儼若
一枝天生二色方美或先湊簇像生卽以麻絲
根下縛定插之若彼此各向則不佳矣大率插
花須要花與瓶稱花高於瓶四五寸則可假如
瓶高二尺肚大下實者花出瓶口二尺六七寸
須折斜冗花枝鋪撒左右覆瓶兩傍之半則雅
若瓶高瘦却宜一高一低雙枝或屈曲斜裊較
瓶身少短數寸似佳最忌花瘦於瓶又忌繁雜
如縛成把殊無雅趣若小瓶插花令花出瓶須

較瓶身短少二寸如八寸長瓶花止六七寸方
妙若瓶矮者花高于瓶二三寸亦可插花有態
可供清賞故插花挂畫一事是誠好事者本身
執役豈可托之僮僕爲哉客曰汝論僻矣人無
古瓶必如所論則花不可插耶不然余所論者
收藏鑒家積集旣廣須用合宜使器得雅稱云
耳若以無所有者則手執一枝或採滿把卽插
之水鉢壁縫謂非愛花人歟何矣論瓶美惡又
何分於堂室二用乎哉吾懼客嘲熟矣具此以

解

瓶花之忌

瓶忌有環忌放成對忌用小口瓮肚瘦足藥罈
忌用葫蘆瓶凡瓶忌雕花粧彩花架忌置當空
几上致有顛覆之患故官哥古瓶下有二方眼
者爲穿皮條縛於几足不令失損忌香烟燈煤
燠觸忌貓鼠傷殘忌油手拈弄忌藏密室夜則
須見天日忌用井水貯瓶味鹹花多不茂用河
水并天落水始佳忌以插花之水入口凡插花

水有毒惟梅花秋海棠二種毒甚須防嚴密

瓶花之法

牡丹花 貯滾湯於小口瓶中插花一枝緊

繫塞口則花葉俱榮三四日可玩芍藥同法

一云以蜜作水插牡丹不悴蜜亦不壞

戎葵 鳳仙花 芙蓉花

凡折枝花

已上皆滾湯貯瓶插下塞口則不憔悴可觀

數日

梔子花 將折枝根槌碎擦鹽入水插之則花

不黃其結成梔子初冬折枝插瓶其子赤色

儼若花蕊可觀

荷花 採將亂髮纏縛折處仍以泥封其竅先

入瓶中至底後灌以水不令入竅竅中進水

則易敗

海棠花 以薄荷包枝根水養多有數日不謝

竹枝瓶底加撮松枝 靈芝同吉祥草俱可插瓶

後錄四肯花紀俱堪入瓶但以意巧取裁花

性宜水宜湯俱照前法幽人雅趣雖野草閑

花無不採插几案。以供清玩。但取自家生意。原無一定成規。不必拘泥。

靈芝僊品也。山中採歸。以羅盛置鉢。上蒸熟。

晒乾藏之不壞。

用錫作管套根。插水瓶中。俾以竹葉吉祥草。則根不朽。上盆亦用此法。

冬間插花。須用錫管。不惟不壞。磁瓶卽銅瓶亦

長冰凍。執質厚者尙可。否則破裂。如瑞香梅

花。水仙。粉紅山茶。臘梅。皆冬月妙品。插瓶之

法。雖曰礮黃投之不凍。恐亦難敵。惟近日色

南牕下置之。夜近臥榻。庶可多玩數日。一法



用肉汁去浮油入瓶插梅花則粵盡開而更結實

四時花紀

牡丹芍藥建蘭菊花四種

四種品類數多栽培不易俱錄全譜當按譜栽植以供佳賞

甌蘭花三種

三種惟杭城有之花如建蘭香甚一枝一花有紫花黃心有白花黃心者紫若胭脂白如羊脂



花甚可愛。出法華山。採其原墩者。種背陰處。可活。開花紫白者。名蓀葉。較蘭稍潤。

玉蘭花

花未開者。澆以糞水。則花大而香。其瓣擇洗精潔。拖麵。麻油煎食。牡丹新落瓣。亦可煎食。蜜浸。古名木蘭。

迎春花

春首開花。故名。每於花放時。移栽土肥。則茂。燐牲水灌之。則花蕃。二月中旬分種。



杏花

本有梅杏。沙杏之分。根生最淺。以大石壓根。則花盛果結核種。

桃花十種

桃花平嘗者。亦有粉紅粉白深粉紅三色。其外有單瓣大紅。千葉紅。桃之變也。單瓣白桃。千葉碧桃之變也。有緋桃。俗名蘇州桃花。如剪絨者。北諸桃開遲而色可愛。有瑞仙桃花。色深紅。花密有絳桃。千葉。有二色桃。色粉紅。花開稍遲。千



北京中醫藥大學圖書館版權所有

瓣極雅

山礬花

生杭之西山三月着花細小而繁香馥甚遠故俗名七里香。

笑靨花

花細如豆一條千花望之若堆雪然無子可種根窠叢生茂者數十條以原根劈作數墩分種易活。

蝴蝶花



南京中医药大学图书馆版权所有

草花儼若蝶狀。色黃。上有赤色細點。潤葉。秋時分種。

金莖花

一云卽黃蝴蝶花

金莖花如蛺蝶。風過。花如飛舞。搖蕩。婦人採之。爲飾。諺曰。不戴金莖花。不得入仙家。

紫荊花

花碎而繁。色淺紫。每花一蒂。若柔絲相繫。故枝動。朵朵嬌顫。不勝。俗名怕癢。是指此耳。亦以根分。



李花

有青霄李。御黃李。李之上品也。若紫粉小青。下品也。有麥李。紅甚。麥熟而實可食矣。俱花小而蕃。

映山紅

本名山躑躅花。類杜鵑。稍大。單瓣。色淺。若生滿山頂。其年豐稔。人競採之。外有紫粉紅二色。

鹿蒨花

花儼蛭蝶。三大圓瓣。而三小尖瓣。色蒨藕。色中



南京中医药大学图书馆

通生石片
心白地紅黃點點搖風弄影丰韻可人根枝叢發

萵苣花

俗名金盞花也。色金黃細瓣攢簇。肖金盞。春初卽開。獨先衆花。

金雀花

春初開黃花。甚可愛。儼狀飛雀。且可采。以滾湯着鹽焯過。作茶供一品。

粉團花二種



麻葉花開小而色邊紫者爲最其白粉團卽繡
毬花也宜種牡丹臺處與牡丹同開用爲觀色
甚佳俱用八僊花種於盆內削去半邊架起就
接

薔薇花

同類七種

有大紅粉紅二色喜屏結肥不可多腦生莠虫
以能銀店中爐灰撒之則虫盡斃正月初剪枝
長尺餘扞種以下數種類此花可蒸茶

寶相花

